

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), općinski načelnik, 16. marta 2010. godine, verificovao je i donio

ODLUKU

O KOREKCIJI IZMJENA I DOPUNA REGULACIONOG PLANA GRADSKI CENTAR "MARIJIN DVOR" - II FAZA (GRAĐEVINSKA PARCELA "B11")

Član 1.

Utvrdjuje se korekcija Izmjena i dopuna Regulacionog plana "Gradski centar Marijin Dvor" - II faza (u daljnjem tekstu: korekcija Plana) "Službene novine Kantona Sarajevo", broj 28/07.

Član 2.

Korekcijom Plana, kao stoje prikazano u grafičkom prilogu, novoplanirani objekat na parceli B11, tlocrtne površine 1295 m², max BGP 4000 m², te max visine 15 m, planira se kao dvije građevinske parcele B11a i B11b. Na parceli B11a, planiran je objekat tlocrtne površine 428 m², max BGP 2055 m², max visine 15 m, sa planiranim brojem parking mjesta 32, dok je na parceli B11 b površine 903 m² planiran objekat tlocrtne površine 392 m², max BGP 1945 m², max visine 15 m², broj parking mjesta 28.

Član 3.

Korekcija Plana sastoji se iz tekstualnog dijela i 3. grafičkog priloga. Tekstualni dio i grafički prilozi Korekcije Plana su

sastavni dio Izmjena i dopuna Regulacionog plana "Gradski centar Marijin Dvor" - II faza ("Službene novine Kantona Sarajevo", broj 28/07).

Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna Regulacionog plana "Gradski centar Marijin Dvor" - II faza, te pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajevo i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 10-23-55/10
16. marta 2010. godine
Sarajevo

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar 6. 4. 2010. godine.

OPĆINA HADŽIĆI

Općinsko vijeće

Na osnovu člana 16. Zakona o budžetima u Federaciji BiH ("Službene novine Federacije BiH", broj 19/06, 76/08 i 5/09) i člana 24. i 112. Statuta Općine Hadžići ("Službene novine Kantona Sarajevo", broj 15/09), na prijedlog općinskog načelnika, Općinsko vijeće Hadžići, na 16. redovnoj sjednici održanoj 30. marta 2010. godine, donosi

BUDŽET OPĆINE HADŽIĆI ZA 2010. - 2012. GODINU

Član 1.

Budžet Općine Hadžići za 2010. godinu iznosi 7.780.400,00 KM, i to:

- | | |
|---|-----------------|
| 1. UKUPNI PRIHODI I PRIMICI | 7.780.400,00 KM |
| 2. UKUPNI RASHODI I IZDACI | 7.780.400,00 KM |
| Od čega je raspoređeno: | |
| – za utvrđene namjene | 7.760.400,00 KM |
| – za tekuću budžetsku rezervu | 20.000,00 KM |

Član 2.

Prihodi i primici, rashodi i izdaci po grupama i namjenama, utvrđuju se u Bilansu prihoda i izdataka za period 01.01.2010. godine do 31.12.2010. godine, kao i projekcije budžeta za 2011. godinu i 2012. godinu, kako slijedi: